

Ilibwe Ilyakukulilako Ilya Bumupashi No. 11

## No Mupashi wa Bufuke, Pokeleleni Kristu, Icebo!

*Yakobo 1:19-21, “Ishibeni ici, mwe bamunyinane batemwikwa, umuntu onse abe uwayanguka ku kuumfwa, uwakokola ukulanda, uwakokola ukukalipa: pantu ubukali bwa bantu tabubomba ubulungami bwa kwa Lesa. E ico talusheni conse ica busali ne ca busafya ca bubi, no kupokelela mu bufuke icebo icalimbuka, icili na maka aya kupusushe mitima yenu.”*

Icintu icakaele nganshi ico twakwata, ndemonia, kuti caba umwana wa mpaanga. **Ilyo Lesa alefwaya ukwishibisha Yesu Kristu, Ena amwishibishe Wene ngo Mwana wa mpaanga** (*Mateo 3:13-17*). **Kabili ilyo Ena alefwaya ukwishibisha Umwine, Ena aishibishe Umwine nge cuni, Inkunda.** Kabili Inkunda yaba iyakaele nganshi kibili iya busaka nganshi pa bumi bonse ubwa fyuni, kibili umwana wa mpaanga aba uwa kaele nganshi kibili uwa sanguluka pa bumi bonse ubwanama.

Yesu ali batishiwe kuli Yohane, kibili Baibele itila, “Kabili alimwene Umupashi uwa kwa Lesa, **nge nkunda**, ukwikila pali Wene.” (*Yohane 1:29-34*). E ico kanshi nga cali mu mbulu, atemwa nga cali inama imbi iyashala, icifyalilwa ca nkunda nga tacaampene ne cifyalilwa ca mumbulu, nangula nga icifyalilwa ca nkunda cali ya mpene ne nama ili yonse iyashala kano umwana wampanga. **Kabili filya ifi fyalilwa fibili fyaampene pamo, lyena fyena kuti fyasuminishanya cimo ne cibiye.**

Nomba mulemona ukulingilwa kabela? Cali umwana wa mpaanga ilyo aishile kulya. Afyelwe umwana wa mpaanga. Akushiwe, umwana wa mpaanga.

**Kabili, eico kanshi, ulya e musango fye weka uwa Mupashi wa cine uyo uwinga pokelela Icebo, uyo uwingapokelela Kristu. Abashala muli bena kuti baesha, bena balyeseshe ukupokelela Cena, no kubika Umupashi wa kwa Lesa pa mumbulu, mwamona, uwa kalipwa, uwacipyu, umunkalwe. Wene tekuti wikale palya. Mupashi wa Mushilo ulapupuka fye ukuya lilya line. Wene tekuti acicite.**

Nga cakutila ilya Inkunda ya likile, kibili, mucifulo ca Yena ukuba Umwana wa mpaanga, nga kwaliko inama imbi iyashala? Yena bwangu bwangu nga ya likwete ukupupuka kwa Iko noku bwelelamo.

**Mwamona? Lelo ilyo Ena asangile cilya icifyalilwa ico Ena enga mpana naco, Yena ngayaishileba fye Umo.**

Kabili lyena **Inkunda yatungulwile Umwana wa mpaanga**, kabili, moneni, Yena yatungulwile Umwana wa mpaanga ku kwipaiwa (*Esaya 53:7*). Nomba, **Umwana wa mpaanga** ali **uwanakila ku Nkunda** (*Abena Filipi 2:5-11*). Te mulandu ifyo Yena ya tungulwile Yena, Yena yalefwaya ukuya.

Ndesunguka, ilelo, ilyo Lesa aletutungulula ifwe ku bumi **ubwa kuipela umupwilapo no kubombela Wene** (*Abena Roma 8:36-37*).

Ndesunguka nge mipashi yesu lyena inshita shimo taisangukila, umusango uwa kulangisha cilya, ndesunguka nga ifwe tuli bana ba mpaanga? **Umwana wa mpaanga alanakila.**

**Umwana wa mpaanga alaipela umwine.** Ena tasenda, ukupoka ifyo akwata. Kuti yalambalala fye pansi no kubeyewa amasako ukufumya kuli yena. Cilya e cintu fye ceka yena yawkata. Yena tayatala sosa icintu icili conse palwa cena; ipela fye ifintu fyonse ya kwata. **Ulya e mwana wa mpaanga. Alapela ifintu fyonse, umwine kabilna fyonse ifyo aba.**

**Kabili ulya e musango umwina Kristu uwa cine aba, balaipela abene beka,** ukwabula ukusakamanapo nangu cimo ica muli ili sonde, **lelo ukupela fyonse ifyo bakwete kuli Lesa.** [1]

Umwana wa mpaanga aba uwa tekanya nganshi icakutila ena kuti atungululwa. Kabili ulya e mulandu wine uo Lesa aiminineko Kristu ngo Mwana wa mpaanga kabilna Umwine nge Nkunda. Kabili pa bushiku uo Yohane abatishe Yesu pa mumana wa Yodani, cimo pa fintu ifya pulishamo icatalile citikapo, ca citike palya pene. Moneni, ifyo cawama! **Umwana wa mpaanga, uwa fukisha nganshi pa fibumbwa fyonse ifya pesonde, kabilna Inkunda, iya fukisha nganshi pa fyuni fyonse ifya mu mulu, nomba, e musango fye weka ifyo fingatala ukwampana. E musango fye weka uo Inkunda ingatala ukwisa pa mwana wa mpaanga.** Nomba, ilyo Inkunda yaikile, Yohane amwene Yesu, kabilna atile, “*Moneni Umwana wa mpaanga wakwa Lesa, uyo uusenda imembu she sonde*” (*Yohane 1:29-33*). Kabili Yohane atile, “*Napele ubunte, ukumona Umupashi wakwa Lesa ukwika nge Nkunda, no kwikala pali Wene.*” Alleluya! Mwacimona ico. **Inkunda kabilna no Mwana wa mpaanga fya lyampene capamo. Lilya elintu Lesa no muntu baishile ba umo. Lilya e lintu umulu ne sonde fya kumbatene cimo ne cibiye.** Alleluya! Lilya e lintu Lesa alengelwe mu mubili, ukuleta cena (*1Timoti 3:16*); lilya e lintu **Lesa aishile ika ukufuma mu musango wa Mupashi kabilna alengelwe Umuntu no kwikala mu kati kesu.** Lilya e

lintu umuyayaya onse wa kumbatene umo no mubiye. Lilya e lintu umutundu uwawa uwa bantu bakwa Adamu na Yehoba Lesa na malaika uli onse fya ishile ca pamo, **ilyo Lesa no muntu baishileba umo** pali bulyo bushiku ubukalamba ubwa kwibukisha ilyo Yohane abatishe Yesu. Nomba, inga cakutila bena bali mumbulu? [2]

Ubushiku ilyo Yohane abatishe **Yesu, Umwana wa mpaanga**, Yohane atile, “**Ulya aleisa ubufuke bwa kwa Lesa. Moneni Umwana wa mpaanga wakwa Lesa uyo usenda ulubembu lwe sonde.**” (Yohane 1:29). Kabili ilyo Yohane amubatishe Wene kabilu Ena afumine mu menshi, Lesa, Mupashi wa mushilo mu musango wa Nkunda, waishile ika pali Wene no kwikala muli Wene, Amenii, ukwikala muli Wene.

Cilya cali cintu icikalamba nganshi ili isonde lyatala ukumonapo kabilu likamona, **mpaka Kristu no lukuta fya ampana capamo nakabili. Lilya e lintu Lesa no Muntu baishileba Umo.** Umulu ne sonde fyali kumbatene cimo ne cibiye, no ku fyompa umo no mubiye, no kupwisha ilipusho lya lubembu muyayaya. (11Abena Korinti 5:17-19) e lilya **Inkunda no Mwana wa mpaanga** fya ampene capamo. **Ilyo ukwampana ukwa pulishamo kwatalile ukucitwa, ni lilya ilyo Lesa na Kristu baampene nga Umo.** Kabili we cibusa leka nkwebe icintu cimo: **Ifwe tuli impaanga sha kwa Lesa.** Ena atupashanya ifwe ku mpaanga Shakwe (Yohane 10:1-30). [3]

Yohane alimwene Umwaume uwacaice aleisa. **Ena alimwene ilya Ntumba ya Mulilo, mu musango wa Nkunda,** ukwika ukufuma ku Mulu; Ishiwi, lyatile, “*Uyu e Mwana wandi uwatemwikwa, Uo mbekelwa ukwikalamo.*” Yohane atile, “**Ndepela ubunte ukutila Ena uyo uwanjebele mu matololo,**” tekuseminale, “mu matololo, atile, ‘*Pali Uyo ukamona Umupashi ukwika no kwikalapo,*’ Amenii, ‘**Ena e Ulya uyo uukamubatisha na Mupashi wa Mushilo no Mulilo.**’ (Yohane 1:33). Kabili ndeshimika ubunte ukutila Cine.” (Mateo 3:11-12).

Cali ni cinshi? Ulya kasesema cali cishibili ukutila ulya Mesiya ali mupepi ukulanda. Ali ni cinshi Mesiya? **Mesiya ali Cebo, mu mwisulo. Ena ali umwisulo wa kwa Lesa** (Abena Kolose 2:9-10). Bakasesema bali Ulubuuto ulunono ulwaleaka. Lelo muli Wene mwali lonse lulya Ulubuto, Iwali muli uyu Mesiya, **pantu Ena ali ni Lesa ukumonekela, ukulengwa Imanwele,** Lesa mukati kesu mu mubili wa buntunse (Mateo 1:22-25). [4]

**Tata taikele muli Wene pali ilya nshita; pantu Ena aishile pa bushiku ilyo Ena abatishe Wene.** [5] Ukulandila muli bumupashi, ilyo Mupashi wa Mushilo washile pali Wene pa lubatisho Iwakwa Yohane, **kabili Ena aishileba Mesiya Uwasubwa...Nomba, ibukisheni, Ena ali Umwana wakwa Lesa ilyo Ena afyelwe.** Ena ali Umwana wakwa Lesa uwa fyalwa

eka muli na cisungu (*Yohane 1:16-18; Esaya 7:14*). **Lelo ilyo ena aishileba Mesiya, lilya e lintu Mupashi wa Mushilo waishile pali Wene**, pa mulandu “Mesiya” cipilibula “uyo uwasubwa.” Mwamona? Kibili Ena ali Ulya Uwasubwa ilyo Mupashi wa Mushilo waishile pali Wene (*Yohane 1:40-42*). [6]

Kibili natontonkenye ifyo ukutila Lesa kibili ne Nkunda-inkunda yaba icuni icatemwikwa nganshi-Lesa, **ukufwaya ukukwata ukutemwana na bantu Bakwe...Lesa afwaya ukutemwika**. Lesa afwaya uku mutemwa imwe. “*Lesa atemenwe aba pano isonde, Ena apele Umwana wa kwe uwafyalwa eka, pakutila uyo onse uwa tetekela muli Wene e konaika, lelo ukukwata Umweo wa Muyayaya.*” (*Yohane 3:16*). Abe uwa palwa Shikulu! Lyena Lesa, ukufwaya ukukwato ukutemwa, Ena alengèle icintu cimo ica temwika. Ena aishile lenga icintu cimo icatekanya nga Wene. **Ena aishile lenga icintu cimo ica cifyalilwa Cakwe Umwine**.

**Imwe teti mutemwe icintu nangu cimo ico icishali icifyalilwa cenu mwebene. Ukutemwana kulingile kwaampaana no kutemwa.** Umulume no mukashi balingile ukutemwana umo no mubiye, nga bakatala ukwikala pamo. Ulupwa lulingile ukutemwana umo no mubiye nga bakatala ukwikala pamo. Mukafwaye ukuli konse, ukusanga umukashana ukubo mukashi wenu ue mwatemwa. Ena alafwaya, ukusanga umulume ue ena enga temwa.

**Kibili Lesa alafwaya, ukwesha ukusanga umweo ue Ena e ngatemwa.** E ico ena ailangishe Umwine pano pesonde nge Nkunda iya tekanya kibili no Mwana wa mpaanga uwatekanya. Ifyo Ena ali uwatekanya lyonse ukukana esha ukubomba Umwine, ukukana esha uku yafwilisha umwine. Ena atile, “Nshicita akantu mpaka Tata Anangisha intanshi, kibili Tata ekala muli Ine” (*Yohane 5:19*).

Nomba, icintu cimbi umwana wampanga aba, **umwana wa mpaanga ala fwaya ukupela insambu shakwe**. Nomba, Lesa afwaya ifwe ukuba abana ba mpaanga, lelo kwaba inshita ishingi nganshi isho tatusfwaya ukupela insambu shesu, ukulekelako insambu shesu. Mwebengi imwe mutila, “Cisuma, nalikwata insambu, Munyina Branham.” Cilya cishinka, lelo bushe mulefwaya ukulekelako insambu shenu? **Bushe mulefwaya ukupela insambu shenu pakutila Lesa enga mitungulula?** Bulya e bwaba ubwafya ne nkuta shesu ilelo mu mabumba ayengi. **Ifwe tulingile ukuba abana ba mpaanga;** ifwe natusanguka icintu conse icashala kunse ka mpaanga. **Kibili ulya e mulandu wine, lilya line e lyo twakwata ilya imibe, Inkunda iya Mupashi wa Mushilo ilesa mu kupupuka no kuya.** Ngo

Mwana wa mpaanga wakwa Lesa ali kwete ukubuluma ukwa kabalilapo ngo mu mbulu, atemwa ngali citile **icintu icili conse ukupusana ku fyo inkunda iya tekanya inga suminisha, Inkunda nga yaishile pupuka ukufuma kuli Yena.** Yena nga yalile muli miniti.

Kabili ulya e mulandu wine ilelo uo ifwe tulesungukila ubo bwaba ubwafya no lukuta lwa Pentecostal. Ni pa mulandu **natusenda icifyalilwa cimbi. Ifwe natusenda icifyalilwa ico, “Ifwe tulefwaya insambu shesu.** Ifwe tuli nokucita ifyo twaishiba fili ifyalungama ukucita.” **Kabili ifwe twa sanguka aba fikansa.** Ifwe twasanguka abakali. Ifwe twasanguka abashinakila. Ifwe twalileka icipyu ukwisamo. Ifwe twalileka ukitemwa ukwisamo.

Umwana wa mpaanga ali ikwatila umwine amasako yakwe; shilya ni nsambu shakwe. Bena balasenda umwana wampaanga no ku muposela apakwipaila, no ku kaka amolu yakwe. Ena tapantawila; ena tacita ifikansa. Imwe musenda fye insambu shakwe ukufuma fye kuli wene, pantu ena mwana wa mpaanga. **Ena teti acite icintu cimbi, pantu cilya e cifyalilwa cakwe. Lelo inshita imo mukacilinganye mu nshila iya Mwinakristu, muli no kusanga nga cakutila ena ni mpaanga atemwa imbushi.** Muli nokusanga ifyo ena aba; muka mu cilinganye inshita imo. **Kabili ulya e mulandu wine ilelo uo inkuta shesu shaba mu mibebe shabelamo.**

Imwe tamukwete insambu. Imwe mwalishitwa no mutengo, ulya wali **umutengo uwa Mulopa uwa wamisha uwa Mwana wakwa Lesa** (*1Petrol:17-21*). Imwe ta mukwete insambu isha suminishiwa. Aleluya. Insambu fye sheka isho mwakwata, shaba, iseni kuka Fukauka akaisushiwa no Mulopa uwa kufuma mu Mushipeshipe wakwa Imanwele, ilyo ababembu baponena pesamba ye lyeshi balalufya amatoni yabo yonse aya milandu. Ee, mukwai. **Shilya e nsambu fye sheka mwakwata, caba ukupela ubufwayo bwenu kuli Lesa, kabili lyena Lesa alatungulula ukufuma lilya ukutwalilila** (*Amalumbo 78:14*).

Cilya e cilenga ifintu ifingi ifyaibela. Mupashi wa Mushilo watile, “Ici tacilungeme. Lekeni ukulongana; kabiyeni kulya.” Nde minika kwena, munyina, endeni fye kabiyeni pantanshi. Cilya cishinka, pantu imwe mulingile ukutungululwa na Mupashi wa kwa Lesa. Kabili **inshila fye yeka iya kutungulwilako ku Mupashi wakwa Lesa yaba ukuba uwa tekanya, tekwishiba ifingi** (*Amalumbo 25:8-9*).

Owe, muletontonkanya, “Nalishiba ifingi nganshi.” Ee, imwe namukwata ubongobongo bwenu bonse ukubombelwapo kabili tekuti uibombele uwine. **Mwalishiba amabuku yonse namasuko yonse, na conse ici Hera kabili na conse ici Hebere, mpaka tapali ne ncende nangu imo ku Nkunda**

**ukwikalapo.** Cilya cishinka. **Lelo mwalishiba fyonse; lyena Inkunda teti itungulule, pantu mwalishiba ifingi nganshi** (*Lukala Milandu 3:5-8*).

Umwana wa mpaanga talumbula ukwishiwa nangu cimo. Alingile ukukwata umuntu umbi ukumutungulula. Ubukata. Cilya eco. Taishiba nangu cimo! Amenii. **Icintu fye ceka naishiba ni Kristu Yesu afwile ukumpususha.** [2]

Ifyo cawama capashaniwa pano nga Yesu ukuba Umwana wa mpaanga, kabiili Lesa ukuba Inkunda. Kabiili inkunda nga tayaikele pa mumbulu, icifyalilwa caiko tacalungama. Yena ngatayaikele pa mbwa, icifyalilwa caiko tacalungama. **Yena yalingile ukuba umwana wa mpaanga; ififyalilwa fibili filingile ukuba fimo fine.**

Kabiili ulya e musango tulingile ukubelamo, **ififyalilwa fyesu filingile ukupilibulwa ukufuma ku mubembu ulebuluma ukwisa ku kufuka kwa mwana wa mpaanga.**

Kabiili bushe na mumona Inkunda ya tungulwile Umwana wa mpaanga? Kabiili moneni, Umwana wa mpaanga alikene fyonse Ena akwete ku Nkunda. Kabiili moneni uko Inkunda ya tungulwile Wene: ku kutanikwa pa membu shesu bonse (*11 Abena Korinti 5:21; Abena Kolose 1:19-20*).

Nomba, Lesa alefwaya ukwimininako Umwana Wakwe, Ena aimininweko kuya busaka nganshi kabiili inama iya fukisha pesonde, icibumbwa icikala pe sonde; lelo ilyo Lesa aiminineko Umwine mu myulu, cali ku cafukisha kabiili icuni icabusaka nganshi icabako mu myulu, **inkunda.**

Nomba, inkunda yaba icuni icapangwa icaibela, pa mulandu wamisango ya iko icakutila yena teti ilye icintu icili conse icishasangululwa; yena tekuti icicite fye cena, pantu tayapangilwa kuli cilya.

**Nomba, ine lyonse ndalandpa nkunda ukuba icakulangililako Lesa,** kabiili mwankole cabia icakulangililako ica bu mumbimunda. Mwankole kuti aikala pa citumbi icafwa icakale no kulya, akasuba konse, no kupupukila kulya mwibala no kulya ingano pamo ne nkunda. Lelo inkunda kuti yalya ingano bwino fye, lelo teti ilye icitumbi icafwa. Mwamona? Yena tekuti icicite fye, yena teti imine cena. **Kabiili nalisungwike umulandu yena teti icitile ici;** fyonse fibili fyuni, fyonse fyuni. Lelo mulandunshi? **Caba umusango fyapangilwamo.**

Kabiili ulya e musango cabelamo no Mwinakristu uwaccine. Uminakristu uwa mu cilonganino fye kuti alya fye icili conse, **lelo uwa cine cine, Umwinakristu uwafyalwa libili teti alye ifintu ifya mwisonde.** Ena alipangwa uwaibela (*11 Abena Korinti 5:17*).

Naishilesanga ukutila inkunda tayakwata indusha iili yonse.

Tamwaba indusha mu nkunda pantu tayakwata ukukabila yena.

Ulya e musango caba no **Mwinakristu, ena tafwaikwa ubululu ubuli bonse, pantu ena kuti alyafye icakulya cakwa Lesa** (*Yohane 6:32-33,41-58*). Lelo tacisenda ubululu uku sungulula cilya; **cisenda ukutemwa ukusungulula icakulya**. Ubululu: bena balapusana na Cena. **Lelo ukutemwa lyonse kupokelela Cena, Icebo cakwa Lesa.**

Nomba, yena taya kwata indusha, caba icakukanya yena ukulya icintu conse icabipa. Kibili nga yena yalicitile, kuti caipaya yena. Lelo takwaba ubusanso, yena teti ilye cena, **pantu yena tayakwata insala iya cena**.

**Kibili ulya e musango caba no Mwinakristu uwacine.** Bushe mwalishiba Umwinakristu uwacine takwata ulubembu nangu lomo nakalya ulwalingilwa pali wene? Dabidi atile, “*Alishuka umuntu uo Lesa takalingileko ulubembu*” (*Amalumbo 32:1-2*). Ilyo mwasambwa mu Mulopa wa Mwana wa mpaanga (tekupango kutetekela, lelo mucine Umulopa wa Mwana wa mpaanga), Lesa talingila pali imwe icintu icili conse ico icacitwa (*Abena Roma 5:9; Abena Roma 3:23-26*), **pantu imwe muli pesamba iya Mulopa kibili Ena talumona Iwena** (*Abena Roma 4:6-8*). Lilye lambo iya Mulopa; icintu fye ceka Ena enga mona imwe uukubamo, e **musango Ena a mumwene imwe ilyo umufula wesonde taulalengwa ilyo Ena alembelé ishina lyenu mwi Buku iya Mwana wa mpaanga iya Mweo** (*Ukusokolola 13:8*). Cilya fye ceka eco Ena enga lolekeshapo, pantu imwe mwalilubulwa ukufuma ku cintu icili conse ico icatalile ukucitwa, **imwe mwalisambwa mu Mulopa wa Mwana wa mpaanga**. E ico kanshi tamwaba indusha muli imwe, **tamwaba imisango iya kowela muli imwe**, pantu ulya Umulopa wa Mwana wa mpaanga na ubomba ici; kibili Lesa teti alinge ulubembu kuli imwe **panuma ilyo mukwete icakuninika icalubembu ukulambalala palya ukulolela imwe**.

“Cisuma,” mwatila, “cilya cilempela incende ikulu lyena, Munyina Branham, kuti nacita ico ndefwaya.” Ine lyonse ndacita; lyonse. Lelo ilyo **umuntu mucine kuti amona ifyo Yesu amucitile ena kibili apilibuka no kucita icintu cimo ukupusana kuli Wene, cilelangisha ena tatala pokelela Kristu.** [7]

Mu Kusokolola 5:5-6 “*umo wa mu bakalamba atile kuli ine, Wilila: mona, Inkalamo iya mu kowa wakwa Yuda, Umushila wakwa Dabidi, acimfishe ku kufungululo mu fungilo, no kukakatule ifikakatikilo fya uko. E ilyo, namwene, mukati kacipuna cabufumu ne fya mweo fine, na mukati kabakalamba, Umwana wa mpaanga naiminina...*

“Umwana wa mpaanga.” Mulandunshi ena tamwene Umwana wa mpaanga kunuma? **Umwana wa mpaanga ali na ikala pa Cipuna ca bufumu ca kwa Tata, mukati kabalinshi.** Yohane tamwene mukati mulya, ena amwene fye filya ifya mweo fine ukwiminina kulya atemwa balya ba Kelubi bane nabeminina kulya ukulinda Incende ya Mushilo. Ena ali mwene cilya lelo ena tekuti amone ukucila palya. Kibili mulya, pa muku fye umo, kulya kwamoneke... mukupapusha fye, ukupumikisha, **kwaliko Umo, Umwana wampaanga.**

Nomba, ukulangisha **Cena tacali ica mweo icacifyalilwa, umwana wa mpaanga, pantu Wene abulile Ibuku ukufuma mu kuboko kwa kulyo kwa Uyo uwa ikele mu Cipuna ca bufumu** (*Ukusokolola 5:5-7*); umwana wa mpaanga teti acite cilya. Ena ali Umwana wa mpaanga, **ali ni Kristu.** Mu mashiwi yambi, **imibebe Yakwe Ena ali uwa fuka kabilu uwa tekanya ngo mwana wa mpaanga.**

Nomba, moneni, ena ali **Umwana wa mpaanga Kalubula**, Umwana wa mpaanga Kalubula nga ulya wine uwa kubalilapo. Lesa tateluka nakalya! Amenii! **Kalubula uwakubalilapo ali umwana wa mpaanga, mwibala lya Edeni, cali umwana wa mpaanga uo Lesa apele** (*Ukutendeka 3:21*). Kibili ici icili apa nakabili, ukuya fye mulya mu Kusokolola, **cena Mwana wa mpaanga nakabili.** Ukulubula cinshi? Imibebe iyawa kibili icabupanyi icawa ica mutundu wa bantu abawa. **Umwana wa mpaanga aishile isa ku kulubula**, nge fyesu ifyo fyali pa kutendeka, ukutulubula ifwe.

Ukulubula cinshi? Cinshi ico Ena ali no kutulubwilapo? **Icintu icili conse ico icalubulwa caba icintu cimo ico icalubile.** Caba icintu cimo ico ica lubile **kibili lyena nacibwekeshiwa nakabili.** Ni cinshi ico Ena atuletele ukubwesha kuli ifwe, uyu Umwana wa mpaanga? **Ifintu fyонse ifyo twakwete pa kutendeka.**

Ni finshi ifyo twakwete pa kutendeka? Umweo wa Muyayaya. Twali impyani she sonde. Twalikwete Umweo, tekuti tutale tufwe. Ifwe tatwatalile lwala. Ifwe tekuti tukote. Ifwe tatwakwetepo ifyakusakamana. Takwaliko ifililo, takwali inshinshi, takwali ububi, takwali imfwia, takwali umushishi sha mfwia, takwali amapeya ayawa, takwali ukulosha, takwali ukulila. Ifwe twalikwete Umweo wa muyayaya! Ifwe twalikwete ukuteka pe sonde lyonse. Ifwe twali fye umulungu pe sonde, kibili twaleendauka. Kibili nga ici icimuti tacamoneke fye bwino ukwiminina apa, ifwe kuti twa sosa, “Iwe nukuka no ku limbwa uku lubali,” kibili cena kuti cacita. Kibili umwela walepupa kibili ifwe tatwafwaile umwela ukulapupa, “Umutende, ubepo,” kibili wene wali citile. Kibili ni cinshi ico Ena aishile mu kucita?

**Ukulubula fyonse filya ukubwekesha kuli ifwe nakabili, ukuleta fyonse filya ukubwesha nakabili.**

Kabili nomba icifyalilwa mucine ciletetela, ukulolela uku **sokololwa kwa bana bakwa Lesa; ukusokololwa kwa bana bakwa Lesa.** [8]

Kwati mwi Buku apa, kabili pacifulo palya epo twa cilalanda **palwa ma Buku yabili ukuba Limo, Ibuku lya Mweo. Ibuku lya mweo ilyabalilepo ukumoneka, lyal ni lilya mwa fyelwe, cilya cali ukufyalwa kwenu ukwa cifyalilwa.** Lelo lyena inshita imo, kunuma pe samba mulya, mwabako akamusonga akanono aka Mweo akaikala mulya, icakutila mu lasunguka, “Nikwisa uko kena kafuma? Ni finshi ifi fintu ifyeni?”

Nalesosa ici, ukuilandila ne mwine, ngefyo mwali no kusosa, “William Branham, cisuma, imyaka amakumi yane iyapitapo, ulya William Branham, te umo wine muno bushiku.” Nga umo umuntu alisosele kunuma kulya, “William Branham, ena ali iciwelewele ica cilapo,” mwamona, pantu nalifyelwe ukufuma kuli ba Charles na ba Ella Branham. Mucifyalilwa cabonali umubembu, naishile kwisonde, uwabufi, ne misango yonse iya mwisonde yali fye muli ine. **Lelo mukati mulya, namo, mwaliko icifyalilwa cimbi, icalingilwa kabela, cali mulya na Lesa. Muli uyu umubili umo wine, mwamona, ififyalilwa fibili mulya.** [9]

Kabili ilyo lyonse ilyo mwaba muli ubu bumi, muli nokuba abakufilwa no ku kwata icifyalilwa ca buntunse ico icili no ku mucusha ilyo lyonse muli no mweo; lelo mukati ka imwe, imwe mwali fyalwa libili (*1 Petro 1:23*). Kabili ilyo mwa bushiwa, imwe mulaba mu cipasho cakwa Kristu kabilin lonse ulubembu lulaya ukufuma muli imwe. Mwamona? Cilya e cintu.

Uyu mupashi ulefwa mu mibili ulefwa; lelo nomba, imwe teti mube mu mibili ibili pa muku umo, **lelo kuti kwaba ififyalilwa fibili muli imwe pa muku umo.** Ilyo mwafyalwa libili, imwe tamufyalwa kumubili, nge fyo akanya kali; lelo cinshi icacitike, **ukufyalwa kwa mupashi na kwisa kuli imwe.** Kabili ilyo **uku kufyalwa kwa bumupashi kulekula mu mutima wenu,** ukwa kwa Lesa, kuliko **umubili wa cifyalilwa ulekula ukupokelela ulya umupashi.** Kabili ilyo ubumi bwafuma muli uyu umubili, bulaya kuli ulya mibili. Kwati fye ilyo umubili ilyo wapelwa pe sonde, umupashi ulengilamo, kabili ilyo umupashi wafuma mu mibili, kulaba umubili uulolela. “Pantu twalishiba ukutila panuma ili hema lya panonse lyaonaika, natukwata kale imo iilelolela.” (*11 Abena Korinti 5:1*). Mwamona? **Cilya eco, umubili uwa bu mupashi uwa bantu.** [10]

Ndepepa ukutila Imwe mwala awflisha kacema wesu uwa temwikwa, Munyina Neville. Mulengeni wene, Shikulu, abe uwaisulamo ukusenamina

uwaisulamo amaka kibili pamo no kwiluka **pakutila enga senda ici icakulya ica sungwa nokulisha impaanga shakwa Lesa** (*Yohane 21:15-17*). Shikulu, ndepepa ukutila **imwe mwalatalusha amalwele ukufuma kuli ifwe**. Lekeni cikafkilishiwe ukutila ilyo abantu balwala ukutila bali no kwibukisha uulipo kibili uwalinga fyonse Umulopa uwakwa Shikulu Yesu uli pa cipailo ukupanga icikonsolwelo. Kibili ndepepa ukutila bali no kundapwa lilya line fye. **Kibili ndepepa ukutila Imwe muli no katalusha amaka yakwa Satana ukufuma kuli bena uku banenusha bena** atemwa ukwesha ukubalenga bena ukupanga bukapela bwa fiwa atemwa ...Talusheni fye yonse amaka aya mulwani, Shikulu. **Tushisheni ku Cebo Cenu** (*Abahebere 13:12*). Peleni ifi, Shikulu. [11]

#### Umwakumona

- [1] “Icishibili” (63-0901M), par. 58-66
- [2] “Ulukuta Ne Mibele Ya Buko” (56-0805), par. 33,36- 44,97-99
- [3] “Lesa Ukupanga Ubulayo Bwakwe” (56-1209A), par. 40-41
- [4] “Ishiwi Lyu Cishibili” (64-0313) par. 99-102
- [5] “Icaibela” (64-0206B), par.282
- [6] “Ukucimfyia Impongolo Sha Balwani” (59-1108), par.79
- [7] “Pamapindo Aya Nkunda Iyabuta Tutu” (65-1128E), par. 40-51
- [8] “Ukusokolola Cipandwa Ca 5, part 11” (61-0618), par. 88-94
- [9] “Umulalilo” (65-1212), par. 44-45
- [10] “Amepusho Na Masuko” (64-0830E), par. 31, 58
- [11] “Icikakatikilo Calenga Cine Lubali” (63-0324E), par.370